

Mae ganddo lawer o ddiddordebau  
eraill hefyd, sef casglu hen  
greiriau ac yn ei gartref yn  
Aberystwyth mae yna doreth o  
wahanol bethau. Caiff alwadau cyson  
i annerch gwahanol fudiadau ac i  
arddangos y trysorau gwerthfawr.  
Mae'n eisteddfodwr o fri a ddiddordet  
mewn llenyddiaeth a barddoniaeth.  
Enillodd gadeiriau mewn gwahanol  
eisteddfodau, ac un ohonynt am gyf-  
ansoddi emyn yn eisteddfod Myddfai.

Ei brif ddiddordeb heb amheuaeth  
ydy ei gapel, sef Capel y Tabernacl,  
Aberystwyth, lle mae'n Flaenor ac yn  
gyhoeddwr swyddogol. Mawr hyderwn y  
caiff flynyddoedd maith eto i  
fynychu'r pethau y mae mor hoff  
ohonynt.

Rwyf yn sicr bydd neuadd y Penrhyn  
dan ei sang ar y deuddegfed o  
Orffennaf pan gyflwynir tysteb iddo  
fel arwydd o ddiolch am ei wasanaeth  
diflino yn y blynyddoedd a fu.  
Dymunwn iddo hapusrwydd, iechyd a  
phob bendith i'r dyfodol.

I gloi dau englyn o waith y bardd  
o'r Dole, sef Mr. H. Huws, sy'n  
crisialu teimladau ardal gyfan ar  
ddiwedd pennod arall yn hanes y  
gwrn R.T. Evans.

Oet was, oet gymwynaswr - yn ein  
bro,

Oet yn brif addysgwr;  
Enaid teg, ti oeddit dŵr  
Addas a gwir foneddwr.

Hyd yma buost hir dymor - yn gaeth  
Ym myd gwers a chyngor;  
Wedi hyn boed iti'n stôr  
O'th oreugwaith a rhagor.